

شكلى مش زى الصورة

الطبعة
2



أشعار بالعامية المصرية



د. نهاد إبراهيم



دار العلوم للنشر والتوزيع

شعر عامية

شكلى مش زى الصورة..

الطبعة الثانية

د. نهاد إبراهيم

٢٠١٨

دار
المنشور
للنشر والتوزيع

شكلى مش زى الصورة .

المؤلف : د. نهاد إبراهيم

الطبعة الثانية : يناير ٢٠١٨

التنسيق الداخلى : رفعت حسن سيد

دار العلوم للنشر والتوزيع

ص . ب : ٢٠٢ محمد فريد ١١٥١٨

هاتف : ٠١١٤٤٧٦٤٠٠٠

الموقع الإلكتروني : www.dareloloom.com

البريد الإلكتروني : daraloom@hotmail.com

[Facebook.com/dareloloom](https://www.facebook.com/dareloloom)

Twiter : @dareloloom

جميع الحقوق محفوظة

رقم الإيداع : ٢٠١٧ / ٢٨٧٣٨

الترقيم الدولى : ٩٧٨-٩٧٧-٣٨٠-٥٣٩-٥

دار
العلوم
للنشر والتوزيع

إن الآراء الواردة في هذا الكتاب لا تعبر بالضرورة عن رأى دار العلوم للنشر والتوزيع .

يمنع نسخ أو استعمال أي جزء من هذا الكتاب بأية وسيلة تصويرية أو إلكترونية أو ميكانيكية بما فيه التسجيل الفوتوغرافي والتسجيل على أشرطة أو أقراص مقروءة أو بأية وسيلة نشر أخرى بما فيها حفظ المعلومات، واسترجاعها من دون إذن خطي من الناشر

إلى
صديقتى الوحيدة
تانى


كلمة

أعترف أنني كائن كسول جدا بشكل وحش..

لكننى صديقة وفية لأصدقائى الأوفياء ولكلمات شعري الطيبة، وهى التى تلح علىّ فى الخروج إلى الحياة منذ سنوات طويلة.. تقترب من نصف عمرى الطويل القصير.

لم تياس أشعارى من طرق الباب داخلى بعنف بكافة الوسائل المهذبة وغير ال..، حتى أوشكت فى النهاية أن تهدم المعبد بأبوابه الأمامية والخلفية بتوحش مخيف فوق رأسى المسالم. وبعد تهديد سافر وأخير بالانفجار والقيام بعملية انتحارية تلوح بالفراق الأبدى، نجحت مساعيها وحررت نفسها بنفسها من وراء أسوار سطور أوراقى المتراسة بهدوء وتكاسل بالعدوى فى منزلى وحيدة لا يعرفها أحد إلا قلة قليلة للغاية، بمن فيهم مؤلفة هذه الأشعار نفسها.

يوما ما سألتنى أصدقائى.. إلى متى هذا السكون الطويل ولماذا؟! خذلتنى كلماتى فى الإجابة.. لحظتها أدركت أن تهديدات قصائدى فى هجرى إلى الأبد جادة بالفعل، فأطلقت سراحها من أجلها وكنوع من الشكر لأصدقائى الحقيقين، الذين تحمّلوا كسلى الإبداعى القاتل بصبر أيوب الجميل. وإليهم القطرة الثانية تانى..



بنت الجيران

كان ياما كان
كان فيه زمان
صبية ياه زى القمر
كان إسمها بنت الجيران

عنيها تضحك للهوا
يفرد جناحه فى شعرها
إيديها تلمس الهوا
ينام كطفل فى حضنها

تغنى لاصحابها الطيور
يقفوا طابور فى ضلها
تتشاقى على رمل البحور
الموجه تفرد ضهرها

حتى النجوم ساعة الغيوم
يتلاقوا عُقد فى كفها
قوامها يغسل الهموم
سبحان ما أبدع حسننها

ياما بنينا فى الخيال
جنة يادوب على قدنا
ويوم صحيت من غير ميعاد
لقيتها مشيت من هنا

كان أملى أفضل جنبها
كان حلمى أسكن قلبها
دلوقتى ما اعرف عنها
إلا اسمها.. بنت الجيران

نفس القصة

ولا هقبل أعذار من ثانى
ولا قادر أغلب حرمانى
كل الدنيا ما تلعب بيا
نفس القصة تمر عليّا

حببت فيك قلب العصفورة
عشها هادى ساعات متلخبط
سييتك ترسم كل الصورة
جيت على قلبى وقمت مشخبط

وف لحظة اتحولت لماضى
وبقيت غايب وانت قصاى
يعنى خلاص هرجع وحديّا
ساكت ليه ما ترد عليّا!

ألبوم الذكريات

مش عارفة ليه الأيام دى
كثير أوقات بتعدّى
والذكريات تهدّى
تجبنى لحد عندى
والاقى روحى تنادى
ألبوم الذكريات

قلبت الصفحة الأولى
أيام النظرة الأولى
أيام ما كنا حبايب
وينحلم بالساعات

وقلبت الصفحة الثانية
إزاي الحب ف ثانية
يضيع من بين إيدينا
ونصدّق إنه مات

تفتكر اقدر أنساك
وَلَا انا عايشة جواك
طب ليه بندله دايما
ألبوم الذكريات

يا اسكندرية

يا اسكندرية شطك نادانى
وقاللى يا اسمر يا معجبانى
غنيلى غنوة لا حد قبلك
ولا حد بعدك هيغنيهالى

يا اسكندرية إنتى البنية
ع الرمله نايمه ومكتوبالى
يا إسم ناعم زى الملايكة
وكل حرف ساكن خيالى
السيين يا حلوة سنارة رايقة
والطُعم فيها سكر نبات
تغمز يا عينى للميَّة غمزة
تنط تُشبك قلب البنات

والكاف كإنى ساكن فى ضيِّك
وقلبي عنوان كل حارة
وإسم جدى بخط وردى
منقوش محنّى فوق الحجارة

والدال دليلى على حبي إني
كلامى كله مايكفيكيش
لو كل موجة طلّت فى قلبى
تلاقى بحرك غيره مفيش

وال "ى" يا ويلي لو غبت عنك
يبقى بإيدّ نويت اموت
صياذ وكل امّا اشدّ شبكى
تطلع حورية حلوة موت

لو عشت طول العمر أغنى
يقوللى شطك كمان شوية
يا ناس قولولى مين بس يقدر
يوصف جمالك يا اسكندرية؟!

عم مراكبى

فى ساعة مغربية
والليل بيشاور عقله
خدتلى مركب فى الميَّة
من مدة وانا مشتاقله

وسألت يا عم مراكبى
مال صوتك قلبه حزين
قاللى جرابى مترصص
مليان حكايات عاشقين

اللى إيديهم متاخدة
وقلوبهم فرحانين
واللى يقضّوها مناهدة
خايفين ومش خايفين
واللى بيفضلوا ساكتين
ولا تعرف متخاصمين
وكفاية عليهم خالص
إن الاتنين فاهمين

أصل انا مش أى مراكبى
مجدافى ف إيدى بيسمعنى
والطير بيغنى يمتعنى
وقلوعى فاردها على كتافى
والموج والنسمة حراسى
لكن جوايا حزين
دا انا ياما داويت عاشقين
ولا حدش فكر يسألنى
إنت.. بتحب مين؟!!!

ليلة صيف

صيف ورا صيف بستنى تجينى
واسأل من جوايا بحيرة
إيه فى الدنيا عنى يحوشه
ما انا بعتاله الشمس تبوسه
كات بتطمّن قلبى بطيف
ياه ع الصبر ف عز الصيف

لو كان الحب بينقال
كنت بقيت كروان مرسال
دا انا وصيت اليوم بستنى
إوعى تفوت من غير ما اتهنى
نفسى أشوفك لو تخاطيف
نروى الورد ف حر الصيف

لو هو صف قلبك فى جواب
كنت أليف الدنيا واطوف
إرجع بقى ملّيت الخوف
كانت فرحة مالهاش زى
مابقاش فاضل قد ما جاى
إحنا ف آخر ليلة صيف

حادی بادی

حادی بادی مین أنا مین؟؟
أنا اللي عايز اقول الحق
والحزن ف قلبى بيتشق
ويقول آه ومعها ميت لأ
مش هسكت مش هرضى بخوفى

وانا اللي نفسى أعيش بضمير
على كيف كيفى وحر بطير
واتحدى زعابيب أمشير
شايلى قلمى ف طرف حروفى

وانا اللي عايش احب الناس
من جوايا بحور إحساس
جنّى بيعشق كل الناس
لو يكره ينوى على موتى

بس النهاردة

بس النهاردة جاى اصلح غلطتى
بس النهاردة جاى اودع غربتى
يا كل ليلة والليالى طالت
يا كل شارع لسة فاكر غنوتى

مش بكيفى دُرت سواح فى السنين
مش بكيفى أكتم الشوق والحنين
غصب عنى عشت محروم من هواكى
يا طول عذابى واشتياقى فى وحدتى

مشتاق لنيلك لكل همسة فى سلسبيلك
مشتاق ونفسى أترمى فى حضنك واشيلك
واطلق ضفايرك ألف طوق للى نساكى
ياللى ترابك عقد لولى فى سكتى

لفيت يا بلدى مالقيتش غيرك طيبة
وقت اللزوم زى الحبيبة قرّية
نادانى طير المغربية فى ليل غناكى
وادينى راجع يا حياتى ودينى

أنا أسف

أوعدك انها آخر مرّة
تجرّحنى بالكلمة المرسّة
جاي تقوللى ننسى الغدر
جاي ف ليلة كلها شرد

لو بتفكر زى زمان
أنا أسف دا خيال أوهام
المرّة دى فراق ويجد
الحب ف قلبى بيتهد

كان الشاعر يكتب لينا
تلاقيه لسة مستنينا
كان عايش على صحبة ورد
دلوقتى بيموت م البرد

أنا جيت

أنا جيت يا كل بلدى
يا أرض النور والدين
وبحبك قد الدنيا
بحبك يا فلسطين

أنا كل كتاب ومنارة
وبسمة كل عيد
أنا كل دموع وحجارة
أنا إسمى طفل شهيد

إمبارح كنت بغنى
والدنيا جنتى
والنسمة لما تعدّى
تستأذن ضحكى

عارف فى السما كام نجمة
دول كانوا شلتى
جه واحد شايل نجمة
وكسر لعبتى

مع إنى ماعرفوش
ولا عمرى فى يوم أذيته
دا انا كنت ف حالى قاعد
فى بيتى اللى اسمه بيته

وانا إيدى صغيرة
مش قادر اشيل سلاح
كراستى مسطرة
ماملكشى غير جناح

كان نفسى أعيش لبكرة
واكبر فى وسط اخواتى
إيه يعنى رصاصة طائشة
فداكو كل حياتى

مش هضحك تانى خلاص
شباب شعرى من الأهوال
وهخاصم كل طفولتى
فيه كلمة لازم تنقال

عايزكم توعدونى
يا اصحابى يا ولاد عمى
تتفقوا بس مرّة
ما تفرطوش فى دمنى

نفسى اتنفس حرية
ويا ترى هفضل مستنى
عايزنى ارتاح شوية
خدوا تارى م اللى قتلنى

بحلم

بحلم وحلمى زمان
كان قلب كله حنان
ووعدنى مش هيخاف
لسنين بعيد جاية

بحلم وحلمى مالوش
غير قلب حلو بشوش
بيحب كل الناس
حتى اللى منسيّة

بحلم أقوم على صوت
على كلمة مش هتموت
كلمة أمان وسلام
بالحب مروية

إوعى يا حلمى كبير
تياأس تقول دا كتير
وتدوب مع الأيام
وتسيبنى وحدياً

إنتى فین

إنتى فین یا حبیبتى
روحتى فین یا أمیرتى
إنتى صوتك حته منى
عشق ساکن جوا دمی
إنتى لیا إنتى منى
إنتى بلدی یا حبیبتى

رغم إنى وهبت لیکى
کل قلبى مش کفاية
رغم إنى کتبت فیکى
کل شعرى مش کفاية
إنتى جوا قلبى غنوة
إسمها على إسمک إنتى

ياللى کل نسمة منك
شایله ذکرى من شبابى
ياللى کل حزن منك
فرحة حلوة تدق بابى
کل عمرى حتى بكرة
شایلة کله لیکى إنتى

كان فيه مرّة

كان فيه مرّة واحد حب
حَب بقلبه حَب بجد
وفتح بابه لكل الدنيا
بس خسارة مافهموش حد

كان فيه مرّة موجة ف بحر
حائرة يا عيني في شد وجذب
شوفتها جنبى وغصب عنى
رُحت وراها وتهت وضعت

كان فيه مرّة حكاية حب
فيها أمير بيحب بجد
وخذته موجة وراحت موجة
واهو لسة مستنى الرد

يا مدينة

يا مدينة يا مدينتي
يا سمايا يا سفينتي
إسمى منقوش جوا إسمك
كلى ليكى يا حبيبتى

فاردة توبك بين كفوفى
بس ساكتة آه يا خوفى
صورتى ليه مالهاش ملامح
حرف تايه من حروفى

فى الشوارع فى المفارق
ناس تحن وناس تفارق
راحوا فين.. جايين منين
كله ماشى فى المفارق

يا مدينة فيه بشر
قلبهم ساعات حجر
بس ساعة يبقوا جنة
يبقوا أحلى من المطر

يا مدينة يا شراع
حلم جايّ وحلم ضاع
مهما يحصل إنتى أُمى
مستحيل هقول وداع

صارحيني

يا موجة صارحيني
على فين توديني
وف أنهى بحر وشط
خايف لتاخديني
فى التوهة تنسيني
واغرق فى بحر الصبر

يا موجة يا حكاية
ملضومة فى حكاية
خايف يضيع العمر
الليل على هوايا
وبغنى غنواية
حزينة لون الفجر

وحياتى يا حياتى
لو طُلت مرساكى
لتبقى ليلة العمر
هحكى ليكى حكايتى
وافتح بيان قلبى
وتبقى مالكة الأمر

سر البنات

يا موجة يا ساكنة بعيد
ماشية في حالك من سكات
ومهما رُوحتى بحر جديد
شائلة معاكى سر البنات

صبية تحكيك فرحانة
والثانية تشكيك حيرانة
وانتى يا حلوة قلب كبير
حاسة أوى شوق البنات

بنية توصفك فى وليفها
والثانية ترسم فوقك طيفها
وانتى يا حلوة حزن كبير
فاهمة أوى لغة البنات

حبيبة تناديكى بضحكتها
والثانية تشبكلك وردتها
وانتى يا حلوة حب كبير
عاشقة أوى دلح البنات

حورية بتشاور بدموعها
والثانية تفرد بيكى قلوبها
وانتى يا حلوة حلم كبير
دايية أوى فى غزل البنات

واهو عمر جاى وعمر فات
ولسه ماشية من سكات
لا يوم فتننى ولا مرة خونتنى
يا بختهم كل البنات

الليلة

الليلة فى المنام
معادى مع الحبيب
مش قادرة اخبى الفرحة
بحب يا ناس جديد

ويا ترى أنا هلبس إيه..؟!
هلبس كل الألوان
وازرع قلبى بستان
هستلف النجمة الزرقا
واعمل منها فستان

ويا ترى أنا هركب إيه..؟!
هغزل م الخير مشاوير
وافرش طريقى حرير
هستلف الموجة الجاية
واعمل منها رهوان

ويا ترى راح اقوللله إيه..؟!
هحكى شوقى فى جواب
والضم عمرى فى كتاب
هستلف الكلمة الراقية
واعمل ميت ألف ديوان

الليلة فى المنام
معادى مع الحبيب
ومين يقدر ينام
وهو يا ناس سعيد..!!؟

مغنواتی

یا للی انتَ من هناک
یا للی انتَ من هنا
تعالی شوف حکایتی
وزورنا فی حیّا

أنا واد مغنواتی
قلبی مزق طط وعایش
یوم سیکا ویوم بیّاتی
راضی بحالی ومش خایف

أول ما اقول یا لیل
تئید نار الغرام
ویا لیل تجیب یا عین
واتسلطن فی المقام

الطیر لما بیسمعنی
یسیبه من الطیران
ویقوللی یا واد متّعنی
الله یا سیدی کمان

أنا فرحان

لا تاريخ ولا سنة
على قد الهنا
بحسب أيامى
زى المطرة
أغضب حبة
وبروق فى ثوانى

أنا طير شبعان طيران
جيت اعمل هنا إعلان
يا حضرات العشاق
بصراحة أنا فرحان

سافرت كثير لفيت
م الوحدة خلاص ملّيت
وأخيرا بعد عذاب
أخيرا أنا حبيت

قلبى مفرفش ملهوف
بيغنى فى وسط آلوف
يرقص على واحدة ونص
مش خايف مش مكسوف

لما عيونه خطفوني
ودّوني بعيد ورموني
شوقت الدنيا حاجة ثانية
ويا ريتهم يسعدوني

من يوم وسنة

من يوم وسنة
أنا ساكن هنا
والباب فى الباب
ولا أعرف حد
وعايش جد
ماليش أحباب

لحد ما يوم
من وسط النوم
خبط ع الباب
بقى قلبى ينط
يزق يدق
كتبت جواب

قلتله يا حبيبى
يا كل نصيبى
انا همى كبير
كان عندى حاجات
أهو ماضى وفات
وانا قلبى حرير

قاللى يا كسلان
انا جاى عشان
اخذك لبعيد
أصل احنا كدا
على قد كدا
بنحب جديد

ألفين يا خسارة
الريح غدارة
خدته لبعيد
ورجعت وحيد
الله يجازيك
كان حلم سعيد..

يا سلام

الدنيا دى اشكال واللوان
فيها ناس طيبة ع الصفين
بس ما بينهم فيه كام واحد
أراجوز يلعب ع الحبلين

وتشوف واحد جد مكشر
يوم الحزن معاه باتنين
ولّا التانى ابو قلب معكّر
معذور اكمته بوشين

يا سلام أنا لو ريش وجناح
كنت اسكن فى النجمة واغنى
أرمى ورايا واعيش مرتاح
واخطف م الدنيا دى عميرين

عمرى ما اصدق أى كلام
ولا بحسب عشان ايه وبكام
بفرح بيها بكل ما فيها
إفتح قلبى تلاقى قلبين

آخر المشوار

ولفين واخذنا يا آخر المشوار
والدنيا مالها ليلها ماله نهار
تعينا ياما شقيننا ياما ودوبنا
يا خوفى نوصل نلقى شهده مرار

الدنيا فاردة رموشها للعشاق
بتغنى تشكى وتبكى ع المشتاق
لكن يا ويله لو حبيب زعلها
تفرد قلوبها تقولله يالّا فراق

يا كل زهرة فيكى أجمل لون
يا كل ضحكة ليكى أجمل صوت
دنيكو صافية مهما يحصل منها
واحنا ضميرنا بكل صنف ولون

الكذب ليه حط ف قلوبنا قساوة
الغش ليه كحل عيوننا غشاوة
ولفين واخذنا يا طريق مشوارنا
وازاى هتنسى جرح ما يداوى

الصبر راسم صبره ع الشبابيك
شايغنا بنكوّش على المخاليق
سايينا نخطف كل خير الدنيا
وأخرها يرميلنا يا دوب فتافيت

الدنيا حظوظ

بيقولوا الدنيا حظوظ
تدى من غير سبب
تاخذ من غير سبب
حالتها مشقلب عجب
تتبغدد لما تروق
ويتعذر لما تعوز

فى عز الخوف تلاقيها
بتونس ناس وناس
تحتاجها وتناديها
تخطف أعز الناس
تغضب لما تعاتبها
وتزن وتضرب بوز

يا سلام لما بتتروق
تلبسلك أجمل وش
مع إن كثير وعودها
بتطلع غش ف غش
ويقولوا عليها حنة
يمكن يا ناس يجوز

ويادوبك هياأس منها
ويجد نويت اقاطعها
تقوللى يا غالى عليّا
نصيبك لسة شوية
وادينى بصبر روحى
واقول الدنيا حظوظ

ناوى اغنى

جاى اغنى الليلة ناوى
عندى ياما كتير حكاوى
عطشان ليه يا حبيبي غاوى
تقسى عليا وتواسينى

كل حزن وكل حيرة
فكرونى بناس كتيرة
بالصبية ام الصغيرة
حلم عمرى عشته فيكى

لسه ياما نشوف وياما
ياما هنشوف م الملامه
كل جرح يسبب علامه
وانا قلبى وهبته ليكى

أنا ماشى وتنّى ماشى
قُتْ أهلى وقلت ماشى
كنت راكب ولاّ ماشى
قلبك سارق رمش عينى

آه ويا ما وآه ويا ما
راح وخذ منى ابتسامة
راح وقاللى مع السلامة
ونسيت روحى بين إيديكى

أهل الفن

الفن يا أهل الفن
الفن دا حاجه تَجِن
نايم اغنى صاحى بَغْنَى
عايش طول عمرى بفن

الفن دا عالم تانى
جنة أحاسيس وأمانى
وانا فيه حر وبتمتع
مجنون وحكيم زمانى

على عودى ينالم البحر
ويسلّم قلب الصخر
بالهوا والنور متغطّى
ساحر وماليش فى السحر

من يومى أُولَى غاوى
قلبى عمران غناوى
ويحب الفن واموت فى الفن
يعنى كائن مثالى

أنا عارف بتغنى لمين

"بتغنى لمين ولمين يا حمام ..؟؟"

أنا عارف بتغنى لمين

بتغنى لاتنين عاشقين

شابكين جناحاتهم طاييرين

وانا كان قلبى واحد منهم

عمره ما يجرح قلب حمام

وانا عارف بتغنى عشان

بتفكرنى بحلم زمان

حلمى الغالى وقع من فوق

ولا ينفع مركب ولا طوق

ليه وانا قلبى برج حمام

خليك غنى كمان يا حمام

عايز اصصح م الأحزان

أرفع راسى واقولله يا بكرة

قلبي الأبيض زى ما هو

كل منايا عش حمام

سؤال

يا طيرى يا طائر
يا عاشق الترحال
إستنى بس حبة
عايزة اسألك سؤال

بترفرف كل يوم
مع إن الريح شديد
إزاي يجيلك نوم
وانت فى بلاد بعيد

بتقابل ناس كثير
ويتبع ألف جواب
إزاي تقدر تفرّق
الصادق م الكذاب

فى كل بحر ومينا
يا مراكب بالآلوفات
كام واحد عاش متهنّى
كام واحد حلمه فات

يا طير من بدرى راجع
عشك فى المغربية
ماصادفتش يوم حبيبى
ولا قلبه حن ليا

خد بعضه الطير من جنبى
وسؤالى ما جاوبهوش
الخوف وشوش فى قلبى
بكلام ما فهمتهوش

بصراحة أصله واحشنى
سنين وانا قلبى ف نار
يا حبيبى إنت سامعنى؟
تعبت م الانتظار

قلقانه

قلقانه يا ناس قلقانه
مشغوله ومش مشغوله
شكلى مش زى الصورة
بصراحه أنا زهقانه
ويقالى كتير غرقانه
زى الميَّة العطشانه

وبعيش مع الأسف
أيام من غير هدف
ويقالى كتير ماضكتش
مطفية وماتكلمتش
أنا نَفْسِي بخاف من نفسى
زى النسمة البردانه

ومكانى فى دنيتى فاضى
والسما ساكتة ولونها رمادى
محتاجة لحاجة تجننى
محتاجة لحد يزلزلنى
واحترت يا ناس مع نفسى
بس اعمل إيه..
قلقانه

غريب

غريب يا عيني غريب
وسط الشجر غريب
تحت المطر غريب
أهرب جوا البشر
ألاقي نفسي غريب

طويلة يا ناس حكايتي
وانا وحدي في الطريق
بنده واقول يا مرايتي
مافاتش عليكى حبيب
يحكيك ويطمني
يروى قلب الغريب

أجری على كل شارع
أدقّ في حضنه حبّ
أتارى في كل شارع
حبيب عطشان محبّة
أحلامى تدوب في كفى
وارجع لوحدي غريب

مش مبسوط

غريبة الدنيا ديا
غريبة الدنيا موت
أحضرها بين إيديا
تجرى ملهوفة عليا
ترسملى مفتاح بيتها
شباكها وبلكونتها
أضحك من برة لكن
جوايا مش مبسوط

يا قلبى إيه جوالى
طب يعنى بس مالى
يمكن عشان وحيد
عايش من غير حبيب
ما انا طول عمرى وحدانى
والدنيا مونسانى
ساكت وكله ماشى
واليوم ورا يوم بيغوت

صوتى هربان كإنى
فيه حاجة ضايعة منى
حاولت كتير اخبى
وامثّل إنى راضى
عائش صحيح لكنى
بندول داير ع الفاضى
سوّاح فى كل مينا
هايم بين الملكوت

بتمشّى من سكّات
غريب فى بلاد بعيدة
تايه بين المرايات
مش لاقى سكة جديدة
وكل ما احايل نفسى
واقوللها بكرة هترسى
أرجع واقول فى سرى
مش عارف..
مش مبسوط

أول مرّة

إيه اللى جوالى مالى
فيه حاجة شاغلة بالى
مش عارف أنا فرحان؟
مش عارف أنا زعلان؟
كل اللى حاسه بس
إنى النهاردة بس
أول مرّة فى حياتى
يهرب منى الكلام

صوتى جوايا اتغيّر
ورجعت طفل صغير
مش عارف أنا بردان؟
مش عارف أنا حران؟
كل اللى عارفه بس
إنى النهاردة بس
أول مرّة فى حياتى
أدوق طعم الغرام

يا ريتنى كنت شاعر
يمكن أقدر أعبر
يا ريتنى كنت ساحر
وامد العمر أكثر
كل اللي حاسه بس
إنى النهاردة بس
أول مرّة فى حياتى
أكون صحيح إنسان

فى كل يوم

فى كل يوم ساعة العصارى
بتمشّى حبة ف حزن البحر
ألاغى نسمة صحيح مبتسمة
تحدفلى غنوة فيها كام سطر

تقوللى ياللى.. يا بنت ياللى
ع الرملة تبنى مليون قصر
الدنيا ليكى ملك إيديكى
وضحكة عنيكى تهد الصخر

وف كل موجة شائلة خيالك
البحر يعلى ودا بالأمر
والفرحة تجرى.. تدق بابك
بتسنخبى من كل شر

يا حلم فارس كل مدينة
يا أرق نسمة ف عز الحر
رسمة ملامحك ولون عنيكى
مالهومش آخر زى الصبر

وكل يوم النسمة تقوللى
مستنياكى ف حضن البحر
ووعد منى غنوة جديدة
طول ما انتى صافية لآخر العمر

أنا فنان

من صغر سننى حلمت إنى
هكبر يوم وأكون فنان
من كل قلبى هقول وأغنى
والغنا عندى اشكال والوان

عايش عيشة وخُف الريشة
وسايب نفسى لأحلى جنان
سلطان زمانى ويحر حنانى
غرقان حب وخير وأمان

كلمة تشدنى نظرة تهزنى
ساكن فى الهوا وماليش عنوان
ومعايا تحس الدنيا بخير
وف قلبى مخبى كومة أحلام

بسهر صباحى وعایش صاحى
ألف واطير وخسارة أنام
وانا مهما أعيش.. لا مايكفیش
محتاج م الدنيا مليون عام

أنا واد فنان غاوى التفانين
والفرحة ف قلبى كما البركان
وسييونى أعيش ماتعطلونيش
دا انا لسة كتير جوايا كلام

خايفة

الدنيا بتجرى ورايا
وانا واقفة لسة هناك
هريانة منها وكفاية
بتفرّج م الشباك

أشرب مرارها ليه
وتعذّب فيّا ليه
بصراحة أصلّى خايفة
أقرب ولا إيه...؟؟؟

خايفة اتكلم يلومونى
خايفة أحب يصدونى
ومآجلة فرحة قلبى
بس انا خايفة ينسونى

أحلامى ع الورق
عمرى منى اتسرق
بضحك لكن كدابة
وهموت من القلق

محبوسة جوايا كإنى
مَرَكَب محروم م المينا
وف عز شبابى لكنى
ولا شايب الكوتشينة

لو خدت الدنيا ف حضى
هتعب واتشال واتحط
آه يا خوفى يوم تطردنى
واغرق وحدى ع الشط

بيّاع السعادة

أنا صاحب السيادة
بيّاع السعادة
قاعد يا ناس فى حالى
لطيف وديع مثالى
من يومى بحب اللعب
لازم اكسب بالزيادة

أبان كطفل بسيط
هوايتى عود كبريت
لو اولّع فى المدينة
لو اولّع فى السفينة
أبكى بدموع ندم
واحبس بالبسكويت

أنا واد لعيب وهايل
وبسوّى كتير هوايل
جارى من غير ما يطلب
ألزقله زى الطحلب
قال يعنى بساعده ف خييته
واسيبه وبخته مايل

ويقولوا ظريف ومطيع
مع إنى صراحة فطيع
فى الأيوۃ بقول لأ لأ
وبشقلب كلمة حق
بس مقطقط ومسمسم
ولا بس ماسك بديع

بغسل إيدى بصابونة
قبل ما اقرب لزبونة
شكلى نايمان مزگم
لكن بصراحة مدگن
واللى يآوح يا مراره
بديله أحلى صابونة

بدحرج ع الأباريق
وبسلف أى صديق
غاوى أفرقع بلالين
واقلب الليلة طين
من دون الدنيا بحالها
أموت انا فى الخوازيق

هَبَّاش بَكَّاش
نَتَّاش كَمَّاش
بوصل فى عز التايم
هَلَّاس رَقَّاص
مهياص خَبَّاص
I don't have so time

وينقى شريكى نقاوة
على شرط يكون فى طراوة
بارفانى بير بترول
وبشبرق ع المتوول
وحياتكو ما قصدى أبوظ
دا لعب عيال وشقاوة

نونو البهلوان

أنا نونو البهلوان
حرّيف وألعبان
بضحك بس بمزاجي
فاهم كل الكلام

زارع شباك حياتي
بقلوب على كل لون
عايش في الدنيا بلعب
يوم عاقل يوم مجنون

خبرة وديع وغاوى
أقرا سر العيون
راسمالي جوا دماغى
واتحمّل مهما يكون

عشرى ولطيف مهاود
بنام وقت اللزوم
وف ساعة الجد.. إوعى!
أبقى بركان محموم

متواضع أوى مع غيرى
ويقولوا قال صعلوك
مع إنى قدام روحى
لابس تاج الملوك

مشغول دايمًا بفكر
ماسييش أى غريق
بصراحة جِن مصوّر
واعرف ميت ألف طريق

فرحان بشبابى وراضى
طاير زى الطيور
شوف جيبي تلقاه فاضى
زى جيوب العصفور

لو حظى اتكعبل منى
بركب مليون حصان
والدنيا لو تخاصمنى
أعمل روحى زعلان

تجینی قوام تصالحنی
واوافق بس بشرط
لازم علی خدی تبوسنی
وساعتها نعود لبعض

وصحیح انا قلبی الطیب
بیجیب لیا الکلام
لکنی عما یلی تشیب
ویخلص حقی تمام

ماکدبتش یوم علی نفسی
وبعیش فی خیر وأمان
ویهمک إیه من إسمی
دا انا نونو البهلوان

آراجوز

أخوكم الآراجوز
جاي يقول كلمتين
وف قلبى اكياس الجوز
شاي لهم عكازين

أنا الآراجوز النوز
كيفى أَلْخبط لْخابيط
أنا الآراجوز اللوز
كل حروفى شْخابيط

وشى بَرْكَة ألوان
مرسوم خطوط ودواير
سارح فى الكون طرزان
عنوانى كعب داير

خَدَّى أحمر مزهزه
يسمع كل القلوب
لكنه ساعات يتهته
وبيفهم بالشقلوب

دقنى كمبوشة صفرا
ناعمة كديل حصان
لكنى لما اتعفرت
تقلب ودان حمار

رموشى ليل طويل
ع الموضة عاملة كنيش
مكسوفة زى صبية
سنه أولى فى الكرانيش

باروكتى فوق دماغى
شمسى وضلى وغطايا
فيها شعراية صاحية
تحمينى م اللى ورايا

ماسيك باللونة فضة
بلون وش القمر
والنكتة بتاعتى شطة
تفلق قلب الحجر

هدومى واسعة حايشة
عنى بلاوى كتير
مخلوق يحب الدوشة
صوتى مركب شخايل

لابس برطوشة قلّته
بتغرّقنى ف دوامة
لكنّها وقت الزنقة
تبقى ولا ميت عوامة
شجيع ونبط جبال
بس يسوّوها بالأرض
وعقلى عقل عيال
دايما يجيبنى الأرض

عايش كداهو بالبركة
لا حساب ولا تخطيط
شقى وبموت فى الحركة
وبعيط بالتقسيط

حافظ كل المقابل
بطل العالم فى الهوبه
داهية زى التعالب
مع إنى طول الركبة
إتفرج وانا فرحان
زى العصفور بصفر
واما ازعل باخذ ركنه
وافضل أزوم وازمجر

ياخدوا رأيي فى الكون
أقول الحق وافتى
لكنى ساعات بكون
كلفتى إبن كلفتى

ملامحى كلها عيرة
ماحدش يعرف شكلى
ولا عمرى جيت سيرة
باللى محشور فى قلبى

الجد معايا هزار
ماشى مقلوب على راسى
والقلب كله مرار
تحت الماكياج بيقاسى

تحفة عصرى وأوانى
مولود نازل آراجوز
خُد شعرى وشيل ألوانى
برضه تلاقى آراجوز

بابانويل

فى آخر كل عام
بَنَقَرَّ ع الشَّبَابِيك
قلبى مَبَطَّن بِالْفَرْحَة
بِيبَعْتَر فى المَزَارِيك
وازوركو فى المنام
متخَفَّى ولا بس شيك
البدلة حَمَارَهَا وَرَدَى
والدقن بَيَاضَهَا شَهَدَى
تختوخ ومنفوش ريشى
مع إنى سامباتيك
جرا بى مليون ياما
زى ازاز البوتيك
مزحوم هدايا كتير
لعب.. تحف.. حرير
عرفت انا أطلع مين
حزّر فزّر يا فكيك

أنا إسمى نصه "بابانـ"
والنص الثانى "ويل"
يعنى على بعضى كلى
حضرتنا "بابانويل"

مخلوق فى الدنيا دّيا
بوزّع فى ابتسامات
أتصاحب ع الشوارع
واتلّكّع فى الحارات
أكلتى فسفس قليل
يا دويك ع الفتات
واشرب من نبع مية
غرقان سكر نبات
ياما بداوى قلوب
وافركش فى الأزمت
لا ابويا بيه ولا باشا
مطروود من المقامات
لا ليّا فى شغل حلّق
ولا فى التلات ورفات
شغلتي أبسيط فى الخلق
وادوّب قلب التلج
وافرّح البنات
أخلّى الدنيا دنيا
وابدّرها بارفانات

مكتوبلى افضل صغير
مكتوبلى عمرى قصير
أزق الناس سنين
واعيش يا دوب ساعات

فى آخر كل عام
أشيل زكيتى ورايا
فيها ريشتى ودواية
والكراسة وبراية
وقبل دول ودول
أخذ تعبى وشقايا
وادور فى الكون بحاله
أجمع كل الهدايا
ما اخلّى حاجة حلوة
إلا واعبى ويّايا
أجمل ما فيكى يا دنيا
إنك كريمة معايا

أول حاجة بعملها
أقطفلى كام ورداية
الورد أصله محبة
بيفتح حبة حبة
يا سلام على ريحته لمّا
ياخذ راحته جوايا

وابداً رحلة مشوارى
أرسم ع الريح طواف
وافرد قلبى مجداف

أخذ م السما ضحكتها
والنجمة دى شقاوتها
واستناها بالليل
لما تروّق وتغوّق
ويجيلها مزاج تنزوّق
أقاسمها فى حلاوتها

بعد دقائق وشوية
بيجى معاد الفجرية
ألفق م الهوا طيارة
والضم م النداء نضارة
أجمع عقود الغل
م التوب الابيض والتل
واعمل منها سنارة

بعد دقائق وشوية
أروح على أقرب بحر
أعمل م الموجه شال
ومن النسمة خلخال
أعيد الرملة الناعمة
وابنى أجمل تمثال

وافضل أَلِفْ وادور
زى الطير المطيور
ما اخلى حاجة حلوة
إلا واعبى ويايا
وارجع من تانى اقول
أجمل ما فيكى يا دنيا
إنك كريمة معايا

وف آخر الرحلة ديا
أجمع كل الهدايا
وزكيتى حبيبتى ورايا
واطلع فورا ع الجنة
دى حاجة سهلة خالص
علشان مفتاحها معايا
أتأمل فى البستان
واعمل دفيليه ألوان
واقطفلى كام ورداية
أفرد منهم سوليفان

الورد أصله محبة
بيفتح حبة حبة
يا سلام على ريحته لما
ياخذ راحته جوايا

وأفضل مستنى الليل
واترجى ساعتى تدق
والعقرب بدرى ينط
ويجيبنا نص الليل
وأما الساعة تحن
قلبى لوحده يرن
أخذ نصى الفوقانى
واركبله التحتانى
واخبط ع البشر
أدى للى يستاهل
واللى بخيره يتاقل
يعنى موظف غلبان
بيعض إيديه جعان
أو عاشق دون جوان
صادق وعمره ما خان
أشوف كل البشر
أزور كل البشر
لكن إلا الجبان
المستعجل والواطى
أو ناقص كالتعبان
ولغيره قوام بيطاطى
بالذات الاتنين دول
من دون الخلق دول
برميهم من حساباتى

بخفيهم من حياتي
ياما بكوني الليل
ياما وروني الويل
يا صنف خسيس وخايب
مالكمش عندي نايب
من يومى لحد مماتى
أنا قلبى مش حجر
ولا عمرى كنت قاضى
ولا عمرى كنت قاضى
لكن عندي نظر

فى آخر كل عام
أمشى من باب لباب
أتعرّف ع الأحباب
أفتح قفل الزكية
واديّ لهم حاجة عجيبة
تعيش بعدى تذكّار
تطفّي الشوق والنار
وتخلّي الليلة سعيدة

يبصوا ويضحكولى
وساعات كمان يدعولى
أطير فرحان بشبابى
فارس محروم م الخيل

حافى واخِذْهَا كَعَابَى
أحرسهم طول الليل
أحس إنى أبوهم
وانسى عذاب الويل

ما انا قولتلكو م الأول
شغلتي أبسيط فى الخلق
أدوّ قلب التلج
وافرح البنات
أخلّى الدنيا دنيا
وابدُرْها بارفانات

فى آخر كل عام
فى أول كل عام
بنقّر ع الشبابيك
قلبى مزحوم بالفرحة
بيرشرش فى المزازيك
واجيلكو فى المنام
متخفّى وترى شيك

وف حَتّة غمضة عين
الليل يعدّى قوام
يبوش من بين أيديّ
جميل زى المنام

أودّع كل الدنيا
والم عزالى ف ثانية
وانا هعمل إيه فى روى...!!
ما انا عمرى يادوبك ليلة
لكن مش أى ليلة
دا يوم من دون ليّام
بمقام أيام العام
ومهما اعمل واسوى
مكتوبلى افضل صغير
مكتوبلى عمرى قصير
أزق الناس سنين
واعيش يا دوب ساعات

المؤلفة في سطور

د. نهد إبراهيم

مواليد ١/ ١/ ١٩٧١ - القاهرة - مصر

ناقدة مسرحية وسينمائية وأدبية حرة.. شاعرة عامية..
قاصة.. مترجمة

حاصلة على ليسانس آلسن قسم اللغة الألمانية/الإيطالية -
جامعة عين شمس - ١٩٩٢

حاصلة على دبلوم الدراسات العليا للنقد الفنى - تقدير
امتياز - المعهد العالى للنقد الفنى - أكاديمية الفنون - ١٩٩٦

حاصلة على درجة الماجستير فى النقد الأدبى "شخصية
شهرزاد فى الأدب المصرى المعاصر" - تقدير امتياز - المعهد
العالى للنقد الفنى - أكاديمية الفنون - ٢٠٠١

حاصلة على درجة الدكتوراه فى النقد الأدبى "أسطورة
فاوست بين مارلو وجوته والحكيم وباكثير وفتحى رضوان - دراسة
تحليلية مقارنة" - مع مرتبة الشرف - المعهد العالى للنقد
الفنى - أكاديمية الفنون - ٢٠٠٦

لها العديد من المقالات والدراسات النقدية المتخصصة فى
الصحف والمجلات المصرية والعربية

شاركت كعضو لجنة مشاهدة واختيار الأفلام بمهرجانات
القاهرة والإسكندرية والإسماعيلية السينمائية الدولية

شاركت فى ترجمة وتحرير كتالوجات مهرجانات القاهرة
والإسكندرية والإسماعيلية وسينما الطفل السينمائية الدولية

شاركت فى إدارة ندوات محلية ودولية بالمهرجانات المختلفة
والمجلس الأعلى للثقافة ومكتبة الإسكندرية

شاركت كعضو لجنة تحكيم النقاد بمهرجان الإسماعيلية
الدولى للأفلام التسجيلية والقصيرة/ممثلة لجمعية نقاد السينما
المصريين - ٢٠٠٢

مثلت مصر فى لجنة تحكيم النقاد الدولية بمهرجان لوكارنو
السينمائى الدولى / ممثلة للاتحاد الدولى للنقاد/FIPRESCI -
٢٠٠٣

شاركت كعضو لجنة تحكيم بمسابقة الأفلام التسجيلية
والروائية القصيرة والتحرك بالمهرجان القومى للسينما المصرية
عام ٢٠١٣.

شاركت كعضو لجنة تحكيم بمسابقة الأفلام الروائية الطويلة
بالمهرجان القومى للسينما المصرية عام ٢٠١٧.

عضو فى

- * جمعية نقاد السينما المصريين "E.F.C.A" التابعة للاتحاد
الدولى لنقاد السينما "FIPRESCI"
- * جمعية كتاب ونقاد السينما المصريين
- * اتحاد كتاب مصر

صدر لها

- * **"دراما بلا حدود"** عن السيناريسست المصرى عبد الحى
أديب - إصدارات المهرجان القومى للسينما المصرية - ٢٠٠٠
- * ديوان شعر عامية **"كلام أغانى...!!؟"** - دار النيل - ٢٠٠٤
- * ديوان شعر عامية **"شكلى مش زى الصورة"** - إصدارات
مركز الحضارة العربية - ٢٠٠٥
- * **"شهرزاد فى الأدب المصرى المعاصر"** - إصدارات
الهيئة العامة لقصور الثقافة - سلسلة كتابات نقدية - ٢٠٠٥

* تحرير وتقديم كتاب **"عناكب فى المصيدة/ ثلاث روايات روسية"** - المشروع القومى للترجمة - إصدارات المجلس الأعلى للثقافة - ٢٠٠٥

* تحرير وتقديم الرواية الروسية **"موزاييك الحب والموت"** - المشروع القومى للترجمة - إصدارات المجلس الأعلى للثقافة - ٢٠٠٦

* تحرير وتقديم **"كراسة مصر/ روايتان روسيتان"** - المشروع القومى للترجمة - إصدارات المجلس الأعلى للثقافة - ٢٠٠٦

* **"توفيق الحكيم من المسرح إلى السينما"** - إصدارات الهيئة العامة لقصور الثقافة - سلسلة آفاق السينما - رقم ٤٩ - ٢٠٠٦

* ديوان شعر عامية **"تفرج يا سلام"** - إصدارات الهيئة المصرية العامة للكتاب - ٢٠٠٧

* **"أسطورة فاوست بين مارلو وجوته والحكيم وباكثير وفتحي رضوان"** - إصدارات المجلس الأعلى للثقافة - ٢٠٠٩

* ترجمة وتقديم كتاب **"المخرجون - كلايت أول مرة"** - إصدارات المركز القومى للترجمة - ١٥٩٦ - ٢٠١٠

* ديوان شعر عامية **"فى بيتنا شجر التوت"** - ٢٠١٢

* المجموعة القصصية **"الكونت دى مونت شفيقه"** - ٢٠١٢

* ديوان شعر عامية **"كل كلام الأغاني"** - إصدارات مركز الحضارة العربية - ٢٠١٤

* ديوان شعر عامية **"يقولوا عليا حمار!!!"** - إصدارات مركز الحضارة العربية - ٢٠١٤

* ترجمة **"تحت مقص الرقيب"** - إصدارات المركز القومى للترجمة - رقم ٢٠٢٨ - ٢٠١٤

* **"قراءات نقدية فى العروض المسرحية"** - إصدارات مركز الحضارة العربية - ٢٠١٤

* **"سينما حول العالم"** - إصدارات دار العلوم للنشر والتوزيع
٢٠١٥ -

* **"دراسات سينمائية متنوعة"** - إصدارات دار العلوم للنشر
والتوزيع - ٢٠١٥

* ديوان شعر عامية **"عيشة تسد النفس"** - إصدارات دار
العلوم للنشر والتوزيع - ٢٠١٥

* **"موسوعة النقد السينمائي - تشكيل الوعي عبر
القوى الناعمة"** - ٦ أجزاء - تجليد فني - ٣٢٢٨ صفحة -
١٠٤٦ مقال - مقاس ١٧ سم × ٢٤ سم - إصدارات دار العلوم
للتوزيع - ٢٠١٦

* **"قراءات نقدية في العروض المسرحية - تشكيل
الوعي عبر القوى الناعمة"** - الطبعة الثانية - تجليد فني -
إصدارات دار العلوم للنشر والتوزيع - ٢٠١٦

* **"استلهام شخصية شهرزاد في السينما
المصرية"** - المجلس الأعلى للثقافة - ٢٠١٧

* ديوان شعر عامية **"في بيتنا شجر التوت"** - الطبعة
الثانية - إصدارات دار العلوم للنشر والتوزيع - ٢٠١٨

* ديوان شعر عامية **"كل كلام الأغاني"** - الطبعة الثانية -
إصدارات دار العلوم للنشر والتوزيع - ٢٠١٨

* ديوان شعر عامية **"يقولوا عليا حمار"** - الطبعة الثانية -
إصدارات دار العلوم للنشر والتوزيع - ٢٠١٨

* مجموعة قصصية **"الكونت دي مونت شفيقه"** -
الطبعة الثانية - إصدارات دار العلوم للنشر والتوزيع - ٢٠١٨

* سيناريو روائي **"دوري مي"** - إصدارات دار العلوم للنشر
والتوزيع - ٢٠١٨

جذبت معظم إصداراتها انتباه قمم الجامعات الأمريكية الراقية لتحفظ بها فى مكتباتها مع نجاحات أخرى عربية ودولية.

تتضمن قائمة هذه الجامعات المرموقة:

هارفارد - ييل - أوهايو - برينستون - ستانفورد - كاليفورنيا، بيركلى - كاليفورنيا، لوس أنجلوس - كولومبيا - تكساس أوستن - إنديانا - بنسلفانيا - أيوا - واشنطن - نيويورك - براون - ديوك - متشيجان فى الولايات المتحدة الأمريكية

الجامعة الأمريكية بالقاهرة - الجامعة الأمريكية فى بيروت

جامعة بامبرج بألمانيا - جامعة مارتن لوتر بألمانيا

فى بداياتها ظلت تكتب شهورا طويلة مقالات نقدية سينمائية بمجلة الكواكب المصرية بامضاء "الأنسة كاف"

جوائز

*** فازت المجموعة القصصية "الكونت دي مونت شفيقه" بجائزة أفضل مجموعة قصصية ٢٠١٢/٢٠١٣ ضمن جوائز اتحاد كتاب مصر**

البريد الإلكتروني: nihadibrahim30@yahoo.com

رقم الصفحات	محتويات الكتاب
٣	إهداء
٤	كلمة
٦	بنت الجيران
٨	نفس القصة
٩	ألبوم الذكريات
١٠	يا اسكندرية
١٢	عم مراكبى
١٤	ليلة صيف
١٥	حادى بادى
١٦	بس النهاردة
١٧	أنا أسف
١٨	أنا جيت
٢١	بحلم
٢٢	إنتى فىن
٢٣	كان فيه مرة
٢٤	يا مدينة
٢٦	صار حينى
٢٧	سر البنات
٢٩	الليلة
٣١	مغنواتى
٣٢	أنا فرحان

٣٤ من يوم وسنة.
٣٦ يا سلام.
٣٧ آخر المشوار.
٣٩ الدنيا حظوظ.
٤١ ناوى اغنى.
٤٣ أهل الفن.
٤٤ أنا عارف بتغنى لمين.
٤٥ سؤال.
٤٧ قلقانة.
٤٨ غريب.
٤٩ مش مبسوط.
٥١ أول مرّة.
٥٣ فى كل يوم.
٥٥ أنا فنان.
٥٧ خايقة.
٥٩ بيّاع السعادة.
٦٢ نونو البهلوان.
٦٥ آراجوز.
٦٩ بابانويل.
٧٩ المؤلفة فى سطور.

قلقانة

قلقانة يا ناس قلقانة
مشغولة ومش مشغولة
شكلى مش زى الصورة
بصراحه أنا زهقانة
وبقالى كتير غرقانة
زى المية العطشانة

وبعيش مع الأسف
أيام من غير هدف
وبقالى كتير ماضحكش
مطفية وماتكلمتش
أنا نفسى بخاف من نفسى
زى النسمة البردانة

ومكاتى فى دنيته فاضى
والسما ساكنة ولونها رمادى
محتاجة لحاجة تجننى
محتاجة لحد يزلزلنى
واحترت يا ناس مع نفسى
بس اعمل إيه ..
قلقانة



ناقدة مسرحية وسينمائية وأديبة حرة . شاعرة ..
قاصة ومترجمة حاصلة على الدكتوراة فى
النقد الأدبي ، لها العديد من المقالات والدراسات
النقدية المتخصصة فى الصحف والمجلات المصرية والعربية.



دار
النشر
للنشر والتوزيع

